

50

孔子

T

四

百

74

+

儿

年

四

华

歲

次

戊

戌

三三

貳册



IE CHINA DISCUSSION

ISSUED THREE TIMES PER-MONTH.

清議報第貳册目錄 本館在橫濱居留地營百三十九番 Reministration in the second of the second o

本館論說

論變法必自平滿漢之界始

流

皇上舍位忘身而變法

支那近事

戊戌政變記第五篇

第壹章 際流章 推翻

新政

窮捕志士

帝语

(未完)

東報譯篇

支那哲學 校刻瀏陽即氏仁學序

(承前)

●政治小説

瀏陽譚氏仁學

譚

嗣

n

住人奇遇卷

· 詩文辭隨錄

熱海魚門磯

更

生

鸚鵡洲市爾正不

外國近事及外議

西報譯篇

論東亞事宜

和仙槎除夕感懷四篇并序 譚 额 嗣 嗣 同 同

東海散十

one of the incorporate of the in

能。乎。遇。呼。言 告。 志最 體 部 芈 夫 火o號o也 也。 惟。 之義。 哉。 人 等內無務 出。 40 將 協。 吾 今 無。 所 我。 IH-0 就0 710 今 滿 秋0 職府 宵 最 110 作[°] 煅。 110 請 洲 愛。 飯官 起 不 皇。 處吏 急° m 燼。 助。 舉、 某 無。 樂聞 點 Fo 矣凡 舟。存。 於 蛇。 利 大 偏。 於 故內 111,0 是。概。害。 室。 TO 臣 僧。 前務 林 者 康 者外廷 丰。 70 旅。 70 ナッ 之 矣滿 而? 也。 南 10 際。 居。役。 事。 已° 而 海 所。 者o則 哉。 而 而。 B 沙幾 1 我 得。 舟。呼。於。 質、 海無 之仇 變 其。 奏 皇 20 號o操o 法 所。 對其 皇 上人 利。 獲0 協。舟。 者 Do 許不 献 Ŀ 即 濟이 カックの 譽 漢 爲。 多帶 栥 政 失處 仇の以のすの 漢。 20 皇 嘉 策 獲。 謀。 m 10 +0 人。 之者事故 1. 納 之 40 10 汫。 爲 利 計·0 也。 20 大 今內 者。 游。有。同。 什。 將 宗 年務 又 之。利。附。 m 不 宣 自日 傳府 全。 勞0平0一0 滿 调。 言之 皇 見 失。 皇人 110 則 爲 舟。 10 諸 滿 上仇机 其o 彼 於。有。中 之。 1 有 施 漢。 舟o附o 生。 居。 流。 害 四0.病皇 私 行 不 册。 宝。 平。 其 難上 调0 曲 愛於 焉。 分。 **痊**尤曾甚 失。與。 70 風。 滿 所。 雖 君 其。旅。 主。之。 將 A 以。 漢 被 內無 民。 宝。居。 之阻 爲滿。 10 10 前。 務日 10 掣 Tilo 府便 焉。者。 爲 人。獨。 有 Mo 治心 之皇 所。有。同。溺。 撓 1º 未 君上 偏 附º得º利º族º 變 計 0 於 也得 僧 能 言 者。 70 平0 -0 是 法。 者。 夫 於 有 也 利。 爲室。附。 憨 乃十。 滿 成。 滿

CANDONIAN BOX

本館

者。 則

之°在°

有。中

害。夜。者。

於 舟。

斯

20

皇。人。

上身

10

外

州

國。之。也。惟 利。 成。互。法。民。必 尤 今 之。利。若 我 國 0 — 0 不。 而。爭。蘭。智。有 囚 職o 害o 滿o 亦。而 國。五。西。未。為 國 能。 牙。 之志 然o 丰o 分。惟。人。 利。已。殺。西。開。 於 有° 焉。一。能。 滿。 被 支 之 刻 粉 班。明 樾。 漢。 那 +0 漢。 而 與。矣。爲。牙。自。 不 平。 容。滿。法。 人。利。 有 君。 百°者°由° 澳。故 20 民[°]有[°]人[°]以[°] 憤 70 大°革°十°且 則 滋。 ク 。 圖 。 HIO 一。道。 非 嫉滿 20 Ho 利。命。國。 漢º 利º 存º 日º 界。漢。利。存。也。君。害。則 反 也 者○ 而○ 十○ 理○ 呼o 是o 最。未。行。者。 X 民。則。非。號。則。 之 格。險。有。省。甚。 所 深 之。二。惟。協。同。 之。定。之。少。 政 界。也。生。力。舟。 之。着。也。大。若 閉 夫 命。以。 也 而。 倡。 固 奥·而 m UU 也。 以。可。求。敵。 即 亦。何。百。革。 何 拒。 以。公。保。變。 國b 最。能。餘。命。也。思 家。天。而 井中 同 也。下。變。州。則 A. 倡 天。下。宰。者。 宝。 ク°法°ク°必°所。 爲 下。之。治。懼 爲。策。之。多。不。謂。滿、 而。 70 大。支。國。 操。 批º 言º 四 能o 志。漢》 理。義。那。之。 -150 國。至。即 百。如。十。分 勢。言。之。亡。 分。於。不。兆。美。者。治。 言。.之。光。 而。 治。分。爾。民。國。以 ナつ 有。 .之。之。保。論。 之。則 榮。四。不。 M Mi Ro 獨· 百° 涑° 其。 則 墨○衆○成○全○倡 2 中。 加。 家就。本。 爲、 如。屬。可。非。 .世。 國。以。同。覆。 國。革 極的 乘。揭。而 體。民。不。朐。亡。 礙 則 勢。竿。其。 爲。命 之。皆 尤 剖。而。糜。 +0 失。 クの同の 人。當。焉。生。歸。 義。 爲 而。戶。爛。 有。故 命。於。 形。不 食の竊の將の州の 利 之。號。有。 愛。日。將。盡。 今 固 達 相。國。漢。不。者。 事 F 悲。我。 共。憂。人。保。 什。 甚o 理 未0 攻0 於0 國0

論說

茲0 英0 夫 也 域、 哉。 H 多0 支 尺 滿 70 英、 况 以。 漆。 大同。 公無 明、 絕。 皇。 以 者 民 漢 否 如 統o 漢 氣 7 所 彼 爲 賊 界至 厚剛、 之。 素 國。 智。 法0 至 自 A 以 我、 7 之陰 今無恙安富 殷 さ 民。 到Lo 居 静。 設。 相 今 然 斷。 将。 固 愚不 之。凡 安相 謀 日而 其 有 皇 通。 置。 騰o 上以御 慧遠 所 也 合體 達、 我。 可o 習固 也 雖 在。 極矣雖然此界之起起 音英法 之室而 不 頃。 空。天。 未。 算o 10 有 審也彼 之。 榮。 外 合。 於 法 已甚久乃無端 思置 阜。 冠 1.0 子。 ·與o 以 於。 及。 萬。 之。 亟 非 國。 其。 未。 民。 欲 英。 H 國。 偶、 路。 何。 本。德 然焉 變。 爲 地。 合。 貴。 焉。 數。 族。 先 顧 以 11,0 70 法 兩 1110 殆° 滿 夫當 種。 等。 後 忽 10 imi 種 至。 從。 焉 自。 氏。 水。 惟 人 天 洲、 尙 地。 漢八平 求。 告 未 我》 耙o U 盘 H.º 而。 酒、 也。 支、 當。 鴻 爲0 英 防 欲、 啊。 自。 厭。 閉。 那 國。 制。 10 溝 絕 設。 治。 家 --0 起自。 法。 以 继、 柄。平0 70 達0 至、 70 賊 我。 限 滿 危、 110 箝 於0 偏、 **郵** 民。 爲 之日某 滿人耳 =0 合。 而。 軛o 大。 漢、 狭。 極、 段。 之豊於已 夫 勢。 ナ 險、 不。 之。 兩 年0 可0 國 種、 山。 未。 刀 種、 窮、 得。 例。 驰。 家 天 胚。 事者漢人 20 其。 而 水。 旣 下一家三百 合。 兩。 而 閉る 而 忽、 盡、 以 而。 平 思、 有、 國。 路。 賊 ナッ 何。 之私 之。前。 而。 我、 能。 易。民。 更。 分。治 木、 之の之の 分。 忽 事。 利 年 祚。權。民 以。 十 矣。 畛 故

詞幹一

大〇 1.0 局。 國っ 一己之身家 侯皆 其指臂而 不解今日之滿洲政府 平。 其末葉之 **)**敗亡岩攜 か何以南の拉が、 勇於求禍若是雖 朽。 者党 非。 以 白。 不。 生。 為滿漢兩種。 東限。 拂 國。 尺。 之。民 而 洋の

婚姻者 疑忌 之乘此機會定滿漢互婚之例既掃積弊及得大益矣三日并官缺國 通。 別焉今則情形太殊昔之行國易爲居國矣昔之專爲矣 夫以 云者。兵籍 特 獨 尚多此 如當順 識 異於齊 言平 理論 也使當時能實 漢人 之表記 之之條 之既 議 治元 民哉故宜各因其所居之地注其民籍與漢人一律則畛域之見自化矣二曰 婦 卒 如 女纒 廢界 年攝 也當國初之際滿洲 彼矣以勢論 理一日散籍贯向 足不 限 行 政管親王 之則 H 積 H 至 之則 一礙焉。 深遂有今日今欲決其藩籬。 一个三百年久已 入關 例 如 今各 之始即下 人盡爲 凡漢人皆稱某府 此 矣然則平滿漢之界誠支那自强之第 省戒纒足之會紛紛並起若朝廷因 兵且在 天 詔 下 命滿 一家無 塞 八者今則 漢 外 某縣人凡滿人皆稱某旗人 通 爲游牧之 非此 所謂 婚姻此誠 不 滿無所 不 盡然矣何必 初定制每部之官缺。 可且滿漢)國無 合種 調 有定居故 漢矣而 之遠謀經 勢 所以 更留 m 階、梯、 利 難 或 业 以 某 消 通 初 或 名 雄

旗

也。

不。推。 th, 耳。學。當。人。 Fo 爲 到 例。 故。 旅 PIO 諉。 帑。 功 不 不 M 白。 合 其 髙 以 110 者 漢 DIO 1 170 平0 莫 備 各 滿 其o 爲o 修 所 四 弊。 其。 1 禁於 20 Fo 終。 不 牛。 非 漢 生。 谷 業の 病。 以 調 故 73 派 廣。 至。 平。而 有 们10 使 國 们。 南。 是。 A 生。 於。 漢 約0 所 朝 未 之o食° 漕。 平。 加 計。 1 自。 國。 --0 之官。 不 國 事。 謀。 父〇 於。 以。 優 則 家。 不 能。 家 則 ·國° 給。 帕 40 一班。 國家 爲。 70 田、 多 20 定 能。 計·0 家。 爲 以 屈 得。 倍 愛子。 增、 基 故 to 例 辨。 則 示 與滿 計·0 狄 矣。 分其 於 國。 A 故 品 後0 八 不 者。 能為 前 欲。 外 旗 實 爲° 者。 家。 旗、 別 受其。 生計 机。 1 變。 缺。 髙、 朝焉 均 將 愛。 HIO 平。 農。 之為 不 然 皆 法。 受其 自° 養。 夫 其。 爲。 列 非 如。 病。 不 承 妖 愈 Ü 能。 井。 是 平 兵 數 然 利 計。 則 也。 念念 漢 籍。 官。 徒。 爲。 國。 終。 耳, 旣 矣。 耳。 篆。 然 九 給 缺。 家。 年` 故 身。 To A 如 > 世 不。 不 以 -0 來 此 漠 20 使o 能。 可。部。 之。 談 輩 以。 口 加 MA 元 老 糧 也。之。 百 端。 養o無o 治。 爲。 驰 而。 不。 中。 故 家。 商。 弱 倍 滿°所° 不。 丽 行 旗 欲° 主。 事 於 之數 人。事。 北 怒 使 道。 T 其營 權。十。 滿 H.º 惰。 井。 營業 爲。事。以。 大 官。 者。缺 愛。 妖 試の 不。 F A 年。 缺。 さい 後0 問 能。 無 他 數。 M 成效 Z 滿。 40 一禁免 人。中、 得 業 10 爲 20 題, 爲。 復 非 夫。 兵。 焉 先° 万 漢。 官 水 者。愛。 路。 वि 相。 裁。 用。 其 著。 以。 П 平。 則 而 滿。 糧 即。抑 數。 國。 m 本 產。 不 雖 滿。 意 制。得、 僅 家。 他 漢。 供 督 百0 然 10 之。 其 給 滿。 青。 亦。 萬。 歲。 業 欲 Fi. 相 人。其。何。滿。歷。又 眷 界。相。

哺。 存 111,0 鳴 呼の 非 我。 阜。 則 莫. 政 息 任0 持 HIO 此。 義。 110 告於今之當局其 猶。 勸。 操。 莽。 使。 讓。 位。

之。獲。增。其。 直 其。外。勝。 中c 凡我。 利。禦。敗。也。其。愈。 實 諸。 一一 70 國。 带。 之。 黄。種。 今 佐0 有。 種 種。人。全。也。人。與。世。不 界。種。 戰。 關。 之所。 係。 太 -50 大。 平。之。白。界。善。 善 洋。界。種。大。戰。爲。例。諸。而。人。異。者。戰。自 當有。 島。悉。玄。之。 者。 不 有。 之。平。黄。種。知。界。之。血。泰大。 他。 知 40 以。 大。 非。 雖 而 然。黄 異。 來。 而 戰o西o 合。 悉平 支。之。人。種。 種° 平。 種。 那。 時。 區。之。 一之以與白 界而 可。畏。 之。 也。其。 能。 然 別の 與。 H Ho 則。 他。 爲。而 那居 其。 本。 吾。 Ti.o 惟。 種。 之。 界。 焉o小º 敵の 以。 所。 彼 果。 劇。 願。 一。種。 專。 高。 相。 八〇 曆° 望。種。之。 務。 界而 焉o馳o 者。相。 者。 故。縣。言。於。 又贵。 不°仇° 種。 而。 蒙。 足。 傳 通。 古。 九0 惟。 論。 所° 合。 界而 平。 種。萬。 者。 矣。 部。 滿。 白 想⁰ 所° 暹。漢。此。蚌。 周。 徑。羅。之。以。相。 之。界。界。往。持。 兄° 徑。 戰。 漁 鬩[°] 而。百 塲° 迄° 已° 年° 人° 於°

論皇上舍位忘身而變法

年師 權之故。 廿三日,甫下國是之詔而廿七日后即逐師傳翁同龢命榮祿出督直 我權我寶遜位盖明知偽臨朝之忌而至是亦不能避也惟有致命遂志冀補教而已四月 必問君臣相向對哭恭邸哭至不能起。 國必借亡與其亡國而爲軹道之降煤山之續既喪國母身胎誇干古不如始冒險而變法 下詔閱兵令二品以上大臣遞摺召見于是訓政廢立之局定矣夫翁 **尤直恭親王倚用之人也及革長麟奉偽懿** 皇上以變法被廢仁至義盡其委曲苦衷罕有知之者乙未年 統 一件那 軍矣訓政 太監寇良材請 上知 長麟汪鳴變及妃兄侍郎志銳褫學士文廷式永不叙用皆以諸 親臣只此一人既 攬政權后必見忌也久矣及旅大繼割。 幽殿之事 歸政則殺之于是 皇上豈不知之盖以坐聽僞臨朝之狂肆守舊地必盡割而 逐矣價臨朝親見大臣令 上令太監扶之去文廷式請 旨時 上述 上幾廢以養晦僅免乃能延至今歲長 旨恭邱跪 上日我不能爲亡國之君若不假 其明遞 上欲變法旋爲后所忌杖 哭問 摺矣散 同龢 線総統董聶袁三 上收大權。 何故 爲 督辦處令其私 上揮 臣請 上十 上搖手 手日 收 軍。

.

本館輸開

Į.

綫。 慈 萬 幸 思。膠。 Lo 宗。 其。犯。時。幸 國 旅。 魏。 國。 殿。難。 也。 H 自 欗 奥 20 聽其。 不。 權。 題。 10 宗。 强 耻。 行。 奸 不 no 城 變而 层。 之。 鈴。 之。 础。 以。 已而。 如 望 賴。 廢。 聽 踊 割。 羔 收。 耐。 及 Fo 躍 5 土司。 自。 弑。 北。 項 政。 後。 To 聞 此。 競 發 歸。 羽。 以。 之。破。 共淵 幽 維 将 割っ 政。 淫。 聽 而。 妾。 廢 En 身。 新 鐵。 10 其。 保。 成° 路。 釜沈 H 殉° 愛 港 华。 以 弑。 國。 君。 .世 哭泣 民 即 天。 輪。 隱 LI 位。 舟。0. Fo 船。 型。 Ito 2 使。 不 死。 不 如° 復 忠遂 失 詔 于 確。 盛。 志。 20 如 确。 輕以民。 亦。 學。 賓 醬。 酸c 此 產。 躇。 于。 前。 涕 般 稷。 功 天。 須。 m 不 商。 Mo 發暮 皇 大。 開。 斑 務。 不 相。 100 無。 爲。 我 數。 酸 1 兵。待。 死。 開。 p 而 貴而 仰。 T-0 背。 伙 警 告。 1 民。 不。 薄海 之種。 可。 萬 八 不 城。 智o 0 校我 身。 爲 恨。 洲。 借。 A 股 為。 而。 C 學構 爲。 之。生資格。則商 -1-0 您 天 種。 于。 智一。 宗。 内 贱。 之智 外 殿 津 懷 失。 和地。 以 無人與。 **已**然
友 濟 位。 學 慎° 安。 閱 70 死。 則° 兵之行。 成 堂 蒙。 南。 歸o 對。 來。 詔 學 身的 效。 學 ·耻· 再 命。 四。 祖 書 中 謀。 者 會 萬 宗。 咸 抱 國。 既。 恨。 徽。 獨 萬。 之靈。 哀 爲 覩。 盖 欽。 或。 報 恨。 于。 2 舘 含。 亦 之。 臣。 不 ना० 能。 雲 密 校。 青。 流 民。 源。 也。 存。 自 其。 涕 復。 滃 以 欝 台。 衣。 450 V. 古。 聖 積。 抑。 波 有 以 甘。 不 1 中 沸 待 沈。 恨。 爲。 濟 焉。 --- 0 矣不 如 威 國。 于。 身。 唐。 則 任°中° 語

辱。不。之。忍

天。以。

额。于。容。

谱

坂の

罪。

70

况

迎。

明。

如。 耐

忍。皇。火。宗

知°從

我。筹。沙。

东。

降口 將

學。

省。

重。

含

之。垢。

者。熟。用。 省 切。 上。則。廟。 将 力。 业 疑 湖o 留o 再o 于 者。 爲。十。視。 香。 既る Ho 廢。 70 聽今會觀 命 計0波0年0年 漆。 爲 萬。稍。稷。蘭。 삞 Øo 后0十0 H 年0 花。膏。 7.0 私。 之。年。國。有。將 將 姓0 所。 辛 岩。 說。 不。 爲。 一。 押。 或 Fo 娄。 爲。待。觀。知。血。即。日。以 附o HI 食0度0年 一0 國。 母。 益。 之。火。每 不 亦 71.0 無。 念 鐘 將 甚。身。 國。 而 110 --0 萬。念。 篇。爲。一。任。 頭。 堅 不 何。 月° P 可 忍。 待。 民。及c 將o 安o 年o 能。 天。 20 洲^o 則 速。 可以 A.o 發 南。 . É 隨。 宣。 視°宗° 前。 DIO 垢o 白。 7.0 缺。 僧o 頔o 將 間。 70 爲 丘。 無。 炭。 750 衣 爲。其。 20 昼。 統。 昌。 國。 10 旣 出。冠。緬。 國。 斑 pro 島の 脇の 如。 仁。怒 旬の將 頭。 年0 To 将。 1. 且。髮。塗。智。上。炭。 民。 之。 tho 爲。 20 还 而 之。 祖 故。後。 偏 國。 40 宗。崩。寄。割。 又 指。 廳。 其 耳。 M Ho 况 此。安。 H 宫 大。將 坐 邊。 70 權。 周 燕 能。 皆の願の 受。 地。 以。加。聖。 業。爲。 爲。以。明。不。忍。 欲。將。從 五o 天o 聽 至。 廢。有。英。 裂。禾。 頭。 然。 然 此。解。 100 20 プの割の武の 即 將 Mio 肾。 盡。盡 不 秦 不。安。沈。可。若著。坐。幾。一。是。 壁。爲。 tho 地。 警。 館。著。坐。幾。 繭 Po Zo 以。待。日。者。州。剖。 責。藏。 之。德。待。變。忍。無。民。將 敵

所。 庶。 爲。 國。 失。 貨。 有。 大。

之の 聴の

(A)

是。

識。此。分o人o權o聽o

爲0

魚。 若

爛。

瓜。外。利。賄。過。

70

Ito

m

调。

Ho

70

任

梅。 說

日。好。

天。之。于。防。亦。日。幸。 下。敬。明。文。僧。割。而。 捨 業。莊。姜。爲。地。不。 安。失。廢。 身。獨 烈。六 輕。有。帝。極。南。權。再 坐。 萬。望。責 之。之。坐 虚。亡。聽。 乘。焉。以 弱。 名。萬。那。不里。拉。 失 而以 無 思。保。道。天。 以。國。亡。下。 幸。 湖° 肆。 保。祚。國。不。則。 能無常之。 亦 國。鳴 救o 呼o 復o 民[®]我 誰。 之。天。土。 自 非。皇。辨。不。被。下。木。至。上。者。知。痹。而。縱 仁。至。若。則·知。顧。寺。 人。難·今·傳·者·則任 勢·之。即·會·責·終。權。 能。境。幽。文。以。之。奸。 若o難 廢o致o般o 亦。 箭°爲°昏° 此。白。而 盡 者。之。激。以。不。子。耄。 平。地°天°魏°能°县° 下。胡。制。之。保。 而 卒。之。靈。大。奧。頤。 以。怒。后。魚。椒。和。 仁°則行°比 懷 (完) 智。朱。事。于。愍。尺。 垂。虚。之。鲁。之。 功。平。融。莊。行。 德 勃。歸。不。酒。而

于。東。之。能。幸

1

第五篇 現今政府之情形

第一章 推翻新政

八月十一日。復置。皇上所裁汰之詹事府等衙門。及各省冗員。

以非如此則不能辦事也。而西后一切復置。實爲養癰之弊政。 民之脂膏。以養此無謂之閑人。正如久患癰疽。全體皆含膿血。皇上必汰除之者。 按詹事府等衙門。及各省冗員。皆無事可辦。任其職者。皆養尊處優。素餐尸位。朘

同日。禁止士民上書。

也。而西后禁之。務以抑塞爲主義也。

按支那之大患。在內外蔽塞。上下隔絕。 皇上許士民上書。乃明目達聽之盛學

同日。廢官報局。

同日。停止各省府州縣設立中學校小學校。

台写主发了又一一戊戌政變配

No.

按支那之大患。在教育不興。人才不足。 皇上政策。首注意於學校教育之事。可

任

謂得其本矣。支那地廣人衆。非各省府州縣獨設學校。不能廣造人才。今西后一切

停止。盖用秦始皇愚民之政策也。

八月二十四日。復八股取士之制

按八股取士。爲支那鐲蔽文明之一大根原。行之千年。使學者墮聽塞明。不識古 今。不知五洲。其弊皆由于此。顧炎武謂其禍更甚于焚書坑儒。洵不誣也。今以數

千年之弊俗。皇上之神力。僅能去之。未及數月。而遂復舊觀。是使四百兆人民。永

陷於黑暗地獄。而不復能拔也。

同日。罷經濟特科。

工學。理財。格致。六門。以實學試士。振起教育之精神。實始于此。頑固大臣等。思 按經濟特科之設。在今年正月初六日。實戊戌新政之原點也。分內政。外交。兵學。

質學如仇。故罷之也。

同日。廢農工商總局。

按農工商總局之設。大畧如日本之農商務省。盖官制中所不可缺也。皇上新設之。

西后遽廢之。不知是何居心也。

同日。命各督撫查禁全國報館。嚴拿報館主筆。 按暴政之行。至禁報館拿主筆而已極矣。今全世界萬國中。非甘心以野蠻自居者。

叉可憐也。然其抑壓之政策。則既已充其量矣。 堪噴飯。而不知各地之報館。皆受外國之保護。禁之無從禁。徒取笑于外人耳。是 造謠言。感世誣民。罔知顧忌。又云。主筆之人。率皆斯文敗類。不顧廉耻。共言眞

不肯行此苛政也。今僞詔中之語云。天津上海漢口各處。報館林立。肆口逞說。妄

八月二十六日。禁立會社。拿辦會員。

按支那近兩年來。風氣驟開。頗賴學會之力。自光緒二十一年。强學會開設後。 之者。則有湖北之質學會。廣西之聖學會。湖南之南學會。地圖公會。明達學會。廣 繼

衆人之力。以研究實學。實支那開明之一大機鍵也。今一律訪拿會員。於是各省有

蒙學會。北京之知恥會。經濟學會。陝西之味經學會。其餘小會。倘不計其數。盖合

起門 生成 10 一 人 戊戌政 製 記

督撫。務當寔力查辦。毋得陽奉陰遠。庶使奸黨寒心。而愚民知所儆懼。彼其所以 志之士。幾於無一能免者矣。其僞詔云。拿獲在會人等。分別首從。一律治罪。各省 威壓士民者。無所不至矣。支那四百兆人民。何罪何辜。受此箝制。而永不能自拔

也。悲夬。

月 日。廢漕運改折之議。

按漕運一事。徒在運南糧以供北方之食。輪船既通。一商賈之力。辦之而有餘。而 緣此弊。以營利之人太多。故競阻撓之耳。皇上方欲毅然廢之。尚未辦到。而西后 運。則每年歲入可增千餘萬。官民兩利。此全國稍通時務之人所共知也。特官吏因 國家設官數百人。歲縻千餘萬。積弊之極。未有過是者。荷裁此全部之官。而聽商

月 日。復前者裁撤之廣東湖北雲南三巡撫。 遽命復之。

按督撫同城。互相牽制。不能辦事。徒縻俸藏。前人多有論之者。皇上裁撤。亦是整 頓官制之一端。今亦復設之。盖務盡反 皇上之所爲也。

試之制。乃唐之武后所創。今西后之亦步亦趨。宜也。其言亦可發一笑。 皇上於今年春間罷之。而西后復用之。閉塞至是。何其可憐也。某報館論之云。武 按八股取士。其可笑已極矣。至於武試用弓刀石。尤爲可笑。實以武事爲兒戲耳。

第一章 窮捕志士

其明見論旨者。列其姓名於左。 黨人者。賢人志士居其十之七八。而株連諸人。未必盡賢者。亦居一二焉。雖然。經窮 漢十常侍之罪陳審李膺也。宋蔡京之罪司馬韓蘇也。韓侂胄之罪朱子也。明魏忠賢 以來。窮治維新之人。大率以結黨營私四字爲其罪案。舉國騷擾。提騎殆徧。今舉 治之後。則元氣斵喪。國未有不亡者也。日本幕府之末葉。亦其前車矣。今西后訓政 之罪東林諸賢也。阮大鉞之罪復祉諸賢也。無不以黨人之名。林連慘戮。大率其所謂

學堂。專注意教育。今年又請改定律例。派人游歷日本。調查政務。七月。皇上特擢 貴州省人。舊任倉場總督。於光緒二十一年。奏請設立京師大學堂。及各省

禮部份書。今革職。遣戍新彊。

徐致靖 直隸省人。翰林院侍讀學士。奏請定國是。廢八股。條陳新政。七月。皇上特

擢署禮部右侍耶。今革職。下獄永禁。

徐仁鑄 致靖之子。翰林院編修。湖南學政。以實學課士。力行新政。全省移風。今革

職。永不叙用。上書請代父下獄。

徐仁鏡 致靖之子。翰林院編修。力請求新政。今革職。上書代父下獄。

陳寶箴 江西省人。湖南巡撫。力行新政。開湖南全省學堂。設警察署。開南學會。開 礦。行內河小輪船。興全省工藝。勇猛精銳。在湖南一年有餘。全省移風。皇上屢詔

嘉獎。特爲倚用。欲召入政府。今革職永不叙用。

陳三立 實箴之子。吏部主事。佐其父行新政。散家養才人志士。今僞詔謂其招引奸

邪。革職永不叙用。圈禁於家。

張蔭桓 政。六月。特授鐵路礦務大臣。今革職。查抄家產。遺戍新疆 廣東省人。戶部左侍耶。總理各國事務大臣。久遊西國。皇上屢問以西法新

張百熈 王錫蕃 江蘇省人。詹事府少詹事。條陳商務新政。七月。皇上超擢署禮部左侍郎。 湖南省人。內閣學士。兼禮部侍耶銜。廣東學政。以實學課士。今革職留任。 直隸省人。兩湖總督。因奏薦楊銳梁啓超。今革職留任。

个革職永不叙用。

黄簻憲 學堂。開辦醫察署。凡湖南一切新政。皆賴其力。 廣東省人。在上海創設時務報。舊任湖南按察使。與陳寶箴力行新政。督理 皇上新擢三品卿。出使日本大

二十二年二月。革職永不叙用。今拿辦。逮捕家屬。

江西省人。前翰林院侍讀學士。舊爲皇上所信用。西后惡之特甚。於光緒

文廷式

臣。今発官逮捕

王 超擢賞三品銜。以四品京堂候補。今革職拿辦。逮捕家屬。查抄家產。 照 直隸省人。原任禮部主事。屢上新政條陳。曾請 皇上出遊日本。七月。上

月。 皇上超擢以四品京卿候補。在總理衙門章京上行走。今革職永不叙用。圈禁 成戌政變即

当年の記念という

江蘇省人。舊任翰林院編修。湖南學政。力行實學。開闢湖南全省風氣。七

江

標

端 於家。 方

滿洲人。原任霸昌道。六月。 皇上新授三品卿銜。督辦農工商局新政。今

徐建寅 銷銜撤差。後因其爲滿洲人。復升任陝西按察使。 江蘇省人。原任直隸候補道。福建船政局總辦。久遊西國。通工藝之學。六

皇上授三品卿銜。督辦農工商局新政。今銷銜撤差。

吳懋鼎 抄家產。 直隸候補道。六月。 皇上新授三品卿銜。督辦農工商局新政。今革職。查

宋伯魯、陝西省人。山東道御史。屢上奏。定國是。廢八股。劾奸黨。言諸新政最多。

今革職永不叙用。並拿問。

李岳瑞 用客卿。今革職永不叙用。並拿問。 陝西省人。工部員外郎。總理衙門章京。兼辦銕路礦務事。上書請變服制。

張元濟 請變官制。去拜跪。今革職永不叙用。並拿問。 浙江省人。刑部主事。總理衙門章京。兼辦鐵路礦務事。大學堂總辦。上書

个拿問。

熊希齡 賴其力。今革職永不叙用。圈禁於家。 湖南省人。翰林院庶吉士。助陳寶箴黃遵憲力行新政。湖南之轉移風氣。皆

志 釣 滿洲人。瑾妃珍妃之胞兄。原任翰林院侍講。以乙未年西后庭杖二妃事去

志 錡 瑾妃珍妃之胞弟。工部筆帖式。今革職。

官。改江蘇候補道。今革職。

新放知府。被人劾其喜言維新。今革職。

馮汝縣

容 皇上命辦天津鎭江鐵路。今撤差。 思 廣東省人。前出使美國欽差大臣。江蘇候補道。在美國三十年。學問最優。

康有爲 職拿辦。逮捕族屬。查抄家產。 廣東省人。工部主事。 皇上擢總理各國事務衙門章京。督辦官報局。今革

廣東省人。舉人。 皇上授六品銜。辦理譯書局。今革職拿辦。逮捕族屬。查

梁啓超

口口口口 飛鷹軍艦艦長。未知其名姓籍貫。因飛鷹船追捕康有爲不及。疑其仗義釋

放。今下獄。

右二十八人。被拿辦下獄革職圈禁停差逮捕家屬者。

康廣仁 廣東省人。候補主事。康有爲之胞弟。因新政株連。

山西省人。山東道御史。上書言定國是。廢科學。譯日本書。派親王游歷外

國。遭學生留學日本等事。所條陳新政最多。

楊深秀

楊

林 旭 銳 四川省人。內閣侍讀。七月。 福建省人。內閣中書。七月。 皇上特擢四品卿銜。軍機章京。參預新政。 皇上特擢四品卿銜。軍機章京。參預新政。

湖南省人。江蘇候補知府。七月。 四川省人。刑部主事。七月。 皇上特擢四品卿銜。軍機章京。參預新政。 皇上特擢四品卿銜。軍機章京。參預新

劉光等

譚嗣同 以上楊林劉譚四人。爲軍機四卿。 皇上以新政託之。與康有爲同奉密詔

右六人被戮

以上共三十四人。其罪名皆加於本人之身者。

回籍

譚繼洵

王 燮

直隸省人。王照之兄。世襲雲騎尉。京營遊擊。因其弟以改革獲罪。今革職

湖南省人。譚嗣同之父。湖北巡撫。因其子以改革獲罪。今株連免官。驅逐

焯 王照之弟。禮部主事。今革職下獄。

E

程式穀 廣西省人。舉人。因與康有爲同居。下獄

湖南省人。拔貢。因與康有爲同居。下獄。

錢維驥

以上五人。其罪名非加於本人之身者。

皆奉僞詔逮捕。其通商各单之報館。皆借外國商設爲名。主筆人員。亦受外國保護。 因得免於難。其內地有志之士。則惟束手待命。任貪官酷吏。擇肥而嗞。緹騎徧地。海 此外保國會員百餘人。各省大小學會之會員。不計其數。各省報館主筆。人以百數。

| 清高幸

內沸騰。風雲擾攘。天地變色。無一省不受茶毒者。自古黨人之禍。未有如此其慘也。

論東亞事宜

梅唯

Щ

本意

方令宇內大勢。猶戰國七雄之時歟。俄者秦也。英者楚也。法德伊墺者趙也。燕也。日 清者韓魏也。亞之韓遙。歐之荷葡西比瑞璉者。宋衛滕薛鄒魯也。南美諸國者閩也。

包六合。與秦據有岐雍形勝之地。依高東向。鞭笞關外諸侯甚似。而英屬地東西散 點。勢分力割。形格聲禁。何異於楚平衍散漫。無所掩蔽。仰而待秦耶。於是清以膏土 越也。不足關大勢也。俄掩有亞歐北部。蒙故業。據遺計。窺隙南下。欲囊括天下。舉

涎。不啻夫下兵三川據九鼎按圖籍之比也。可不寒心哉。 有百萬常備兵。將儒卒怯。師無紀律。不足以自守。比之東周。積弱更甚。而列强之埀

沃壤。版圖之廣。殆居宇內七分之一。百度弛廢。號令不行。國勢日頹。朝不保夕。雖

訂。暫失之。至孝公回復之。山東諸國。不復能支也。俄甞乘清廷多事。給取滿州之 俄之不能踰白令海峽。猶秦之不能出雲中鴈門也。噶爾廓爾喀。可以比漢中武關。而 旅順黃海。可以比淆澠函谷焉。俄未有滿州遼陽。常爭拔路捍牛嶋。欲求路出地中海。 及其竟不得志。乃致力噶爾之地。此猶秦未得河西也。秦穆一稅河西之地。後遇內

1 1 1

海。駛印度洋。朝發夕至。萬里無碍。東之則對馬要害。不足以禦之。西之則謹爾撻泥 往來策應。不能如意。今乃得遼陽。大築旅順大連。以嚴防備。則吳艦泛黃海。出南 地。極力經營海緣威。然其地早寒。氷合封港口。船不可出入。又有對馬扼北海門戶

坦。下山南出。以與列强抗。此殆扼吭而擊背也。 爾海峽。其弗辣爾撻兒海峽。不足以扼之也。然後陸兵踰土耳古斯坦。經亞弗巴泥斯

比利亞鐵路雖成。萬里行軍。形勢甚艱。未必爲深憂也。夫俄造西比利亞鐵路。其意 利亞鐵路未成。諸國可以小休。使其一朝成就。此有秦浮渭洛入河之便也。或以爲西 列强爭覇之勢。古今皆一也。秦既得河西之地。故漢中武關。亦可以展力。今夫西比

算也必矣。今乃得遼陽旅順。又展力於噶爾廓爾喀。海陸並進。必有高屋建瓴水之勢 實不在達貿易之便。而在便於軍機。使其無益。則俄人必不造之。既起鉅工。其有成

嗚呼。秦得河西之地者。魏之罪也。使俄得遼陽族順者。清之罪也。清廷一誤。天下蒙 其臟。雖然。吾邦亦不可不分其咎也。

此稿未是下期數錄

曾

譯 开 拉

報

與政府熟商。必有一番大舉動。以益英美洋商之利權也。茲將各商人所聘之會員。與 集議增廣商務多開教堂等事。副提督極其歡欣。將各商之事 英副水師提督。叉露士卑利士佛。於西十一月廿五號到九江。英美各商在毕迎接。並 一一記錄。將來回英國

蓋我輩商人。得將此地情形。詳悉禀知。將來可以代達政府上下議院。使我國能多得 敬禀水師提督大人。茲承各商公請代禀一切。今得大人到此遊歷。各商人甚爲欣幸。

英副提督面商事件。錄左。

中國政府加意保護。不準毀蔑。第四款。我英人在內地經理各務。或遊歷之員。欲中 默。 在內地開礦取煤。 其便宜利權。 與土人一律。 第三款。 我國教士在內地開設教堂。 事有八欵。第一欵。欲得在內地製造工藝之全權。至有茶出產之地。尤關緊要。第二 中國腹地各省之利權。則甚慶幸也。我英大北利顯人民。託迹於此地者。所欲言之要

國政府一切保護。第五

在西方。又將開築火車鐵路一條。由中央之地直達北邊。接連俄國阨要之區。以通消

一欸。現西方及中央之地。俄法甚爲著意。法人已駐陸軍一枝

頂時時留意。勿落他人之後。第六欵。楊子江一帶。湏常駐水軍一枝。以保我國之利 息運兵利便。俄法著意中國股地。先占頹頹利權。即此可知。其一切舉動。我英政府 權。第七款。湖南省必要通商。多設教堂。頂中國政府加意保護。我國泒領事在長 沙駐

紮。第八欵。英美兩國聯約。倘中國有阻止通商傳教之事。必合力堅持。以通我國利 者。當求政府大加整頓。以收其利益無限也。茲藉大人來到東方。不憚跋涉爲艱。我 權於中央。倘或中國阻止我國。或讓與別國。我國必竭力爭關之。勿稍損我通商傳教 之利益。蓋楊子江付近腹地一帶。中國曾許我英人得其利益。今我國商人居於此地 人。感望回國提倡此事。遍告政府議院。開闢此地。令西教西法。得遍行於內

論 清 國 政 變

部京回國到香港。好过 譯 孖 拉 西 報

清國北京政變時。英國教士知與雲乃倫敦教會會員也。由北京回國到香港。孖拉報訪 事人徃謁之。訪北京政變情形。談及英國駐北京公使。及英國政府之意如何。英副水 師提督叉露士卑利士佛在上海演說主義若何。中國皇帝銳意變政。教士之見以爲如

步。中國財政亦斷不如是困窮矣。貴報館已刊列康有爲之事極多。并曾面見康有爲

之心甚切。欲大爲改革。以圖維新。倫變政之事能竟其功。則中國之民智必大爲進

何。答曰。第一先請中國皇帝年方少壯。且憤於國政衰弱。深欲改革其舊政。其變政

想大爲詫異。以我在北京各省遊歷。知其奉上論後。雖國政大爲變更。亦不敢不遵行。

談論。想巳盡知其情節。無容多論也。其次且講中國皇帝所下之論旨。國中官員人士

輩居心究欲如何耶。第一彼居官之人皆志圖納賄。若不私受臟賄。則無以養其身家。 且彼并無愛國之心。又不欲捨其私利以圖國家之大利。尤可惜者。中國皇帝身體不 國萬幸。但不知其守舊黨攬持國柄至何時乃敗。要之中國守舊黨阻止新政之故。彼

一看之。亦知皆當速行改革。不俟一千年後乃行矣。若以我之意見。更有一端。倘出 汲。若以其爲太速。則亦并非過速也。即通國之人心。聞廢八股之論。則亦皆以爲然。 未能預籌變法之嶔竅。未悉以爲何如。答曰。中國皇帝變法及革除守舊老臣。終日汲 甚强健。不能事事躬親。力圖新政也。又問曰。或屢言康有爲屢上奏章。催皇上變法。 未甞謗議其非。但彼上諭一出。舉國震驚。此不足怪也。請將其遍行改革之新政。一 教內之人。未知盡是有愛其中國皇帝之心否。倘要許多參詳。故未敢請中國皇帝降 上諭以改革之。更必譁然者。乃欲以耶蘇敦與各等教門一律平等。惟恐中國疑耶蘇 此上諭耳。督記變政黨內有一人。不必指其姓名。想亦巳素悉。伊問果以此事行之。

經。及引史記。又引質事。若此國信徒。必有愛此國之心。若此國以禮代之。亦斷無謀 各教門徒愛國之心有無變異。我會多端講論。解釋其疑。亦已滿其志願矣。我曾引聖

亂之事。即中國時常毀拆教堂。慘殺教士。該教民亦未甞有干犯中國之事。亦可知教

悉然否。答曰。我有二事欲演說者。惜副提督尚未說及。一論變政之事。一論皇太后 盡在握守兵權當重任之輩耳。又問曰。叉露士卑利士佛副提督在上海演說之話。未 甚欲變政。且必擇其精者而變之。其國中亦必有許多能變政之人扶助之。 地與衣服本無關涉。所穿之衣服雖不同。而心之關切則一也。即同穿一式之衣服。亦 服不同。則彼此勢必歧視。中外之界必分矣。國人將有外視西國人之意也。答曰。心 若必通國改效西服。則殊不必也。說到此。伊云我未得其實意所在。倫中國與外國衣 日。此次變政。是出中國皇帝之本意。抑維新黨人逼之使變乎。答曰。非也。中國皇帝 有不相關切之處。彼此辨論。似大不滿其心意。大抵必欲變衣服之制矣。訪事者再問 答曰。若爲機器事業。則髮辮甚爲不便。至衣服亦不便。且看火船上雇工之人便知。 徒之心地無他矣。說到此一層。更爲明白。伊又問曰。中國衣冠可否變泰西服式。答 問極多。但不須於衣服之制效之。伊叉伸兩手自度其身。謂中國衣服寬舒。甚不便。 日。不可。中國衣服勝於西國。中國地土和暖。衣服寬濶。比之西服更覺寬舒。西國學 惟其人不

廢皇帝之事。我初以爲其必應譯及。然以爲其一概不譯。則又似得罪於他。但求其所

黨人非能變政之人。且倡辦之事。以爲斷不能辦。此又大不然。惟維新黨人皆非居大 官。握重任之權。則眞確然矣。維新黨皆少年盛氣。且深於學問。其黨不止十數。乃千 變更之。故不譯及之。則其錯看中國此次維新。全未知其情形矣。若更以爲中國維 以不講之故。則以爲倡變政之人。不過十二人耳。以數打鐘之人。即欲將中國之政全 數也。副督屢云。欲扶助中國。開闢中國之利益。惟未問及中國究竟有心欲英國扶助 中國與俄所立密約。暗批其火車鐵路與俄。云不許別國占其利益。但既允批與英國。 吞噬。惟英國亦如一小虎云云。即此可知中國尚非深信英國。且以爲俄英合謀也。今 我且說當未出北京之時。有變政黨人對我說及。俄國如一大虎。已知其日欲 新

副提督又云。中國人偷經操鍊。必能任戰爭之事。然以我意窺之。 若操鍊中國人。當先顧我英國之權能制御之否也。何也。蓋中國之人。皆無愛國之心。

忽又轉批與俄國。此實失約於我英國。不然。則首鼠

兩端也。可知中國與英國之不能

中國

人并非勇敢。

心相信者也。然則中國果欲變政獨立。正當銳意維新。我英國方得藉而扶持之耳。

講及中國變官制一事。其實中國之官制。日弊一日。速變乃可。否則我英欲扶助中 國。反爲其累。其弊甚於扶土耳其也。噫。中國風俗日壞。甚少忠信之人。日甚一日。 敢相信。倘與外國交戰。或能盡力。若與中國交戰。則必反擊我英矣。且副提督又未 我英。此乃意中常有之事。不可不加意提防者也。即威海衛所招之中國兵。我亦甚不

京事要開

良可慨矣。

清國京師官民。近於朝事。均噤不敢談。然有密探得太后之意者。云巳隱定繼位之

叶力

譯

報

關心逖聽者也。又云。太后之意。決欲命李傳相再入總署。探悉俄人之意。甚爲欣願。 人。欲於來歲元旦爲禪位之期。然則此事甚屬緊要。非比等閒。普天率土之民。所宜

署作何裁覆。然外人既有所索。中朝亦惟有謹如尊命而已。吁。

叉謂日本駐華公使。日奉廷命。向總署請在牛庄及廈門兩地。闢立租界。刻尚不知總

譯香港孖拉報

台可台交上又一 一西報譯編 海參威情形

中之一也。并有戰船三四號在此灣泊。其船澳內修造之船甚多。城外各山巓 行走。一切舉動。亦畧見其情形。阿魯力巡艦一號在港口駐紮。該艦爲天下頭等巡艦 有某客到海參威遊歷云。所遊各地兵營駐紮之處。雖未能詳悉。然觀其兵丁在街上 四圍皆

潔。前四十年此地乃極荒燕。今人民日衆。已至一萬四千人之多。通商口岸之西。其 嚴。望之可畏。至水陸兩軍之兵丁。遊行擧動。不甚嚴肅。其附近通商之地。畧爲整 有鉅砲屯守。山下張掛告示。寫俄德英法文。禁止別人等語。俄之武員出入。甚爲威 建造工程。甚爲踴躍。其空曠之土。皆建築西式房屋。高不可言。大興土木。人民來往 興旺。舊日之木屋。今亦盡易以磚石。煥然一新。我初到之時。 建築。不甚聯絡。街道空曠。衢巷寂寥。近日見其城垣新築。前時荒榛之地。今始日 地名虎界。直至東便大街。相去約五英里。商賈旅居。屋舖字戶。舊日俱在山上。隨 見中國人在其地 包攬 臻

者多。日本人作影相工業者多。有美國人二十五名。在此謀設商業。哈拉臣公司每月

有船由美國徃此地。所運進口之貨。牛肉麪粉材木等項。皆由太平洋各口岸轉運而

充斥繁盛。俄人多作富商。德人雇工者多。華人作建造工匠者多。高麗人作抬工賤役

-

我到時見其麫粉搬運入口甚多。 中國人與高麗人集居於城之西北方山上建屋。

此地北風凛烈。極寒冷也。惟高麗人做工勤苦耐勞。以其地近高麗。故來此地做工之 其大屋約值價銀四百元。以此等屋在高麗京城。亦稱巨麗之宅。海參威此单。俄政府 有餘地一段。內有大屋一間。頗潔净。有高麗人老翁出迎。想亦殷富之家矣。老翁云。 人甚多。踴躍爭先。非勤苦做工不能謀食耳。我曾到一村落。乃高麗人居處者。彼處 不准建築茅舍。惟磚瓦屋乃准建造。恐有祝融之虞。此地俄人以海參威命名。其意即

非獵賓鳩

譯噎挖太沙報

東方屬土也。

美兩邦之員。亦曾姑看其禀詞焉。其公司名合衆國與非獵賓鳩 有商務某公司具禀於西美兩邦大員。其禀內云云。欲將非獵賓嶋管核。甚爲奇異。西 得管核非獵賓嶋之權。如合衆國管核土地之權一律。所有一切例章。一半歸公司議 撥銀一百二十五兆員與美國。補囘軍火之費。所餘一百兆員。作公司存本。該公司所 四百兆員。公司擬撥銀一百七十五兆元與西班牙。作補囘非獵賓嶋之地費。 總貿易公司。合本

叉擬



嶋銀行。歸公司開設。所有章程。照合衆國銀行章程辦理。銀紙起落時價。均照合衆 定。乃得遵行。出入口稅則。公司有權會議。港口出入船隻。必與該公司租賃。非獵賓 國行情一律。府縣城邑官吏。以三分之二成歸公司議准保擧。合衆國派來之員。及街

也。

中國近事

西太后命榮禄。派委員三十名。在各處招募新兵一萬人。現已招得四千餘人。皆在天

西太后論武昌南京蘇州天津各大員。迅造新式快鎗快砲。并與外國商人預定購買各 津府及山海關左右募集。爲榮祿部下第一枝駐北京衛隊云云。 項製造軍火機器。現各省機器軍械局奉旨後。甚爲匆忙。迅辦一切。風聞乃榮祿奏請

器日本架式西報

故有此論也。支應馱項。由諸省庫默支援云云。

譯香港打拉西報

家之人。曾致函典美國大總統。總統亦經發交議會人員察看。能否決行。尙屬虚渺 上巡捕。或湏派陸軍防禦。薪水糧餉等費。歸公司支理。該公司總董乃美國有名望世

旨 趣

。日清両國人士。聯絡親睦。彼此聲氣相通。以期扶植清國。保全東亞大局。 。音信往來。藉通消息。凡一切舉動。彼此必以情况相告。

。擬兩國往來。如買賣等事。應得便利之道。宜兩相關照。

。諸會如有關繫兩國情事者。與通氣脈。

。討究時事。宜以實力行之。以助清國革新之學。

。既爲會友。當互相保護。若。此會與政府無干涉。

。既爲會友。當互相保護。若被匪類陷害。吾儕當死力報之。

写和

第一條。 第一條。 卜地於大阪市東區安堂寺橋通二丁目七十八番屋。 於會友中擇置幹事五人。評議員十五人。

赴写美找1又一 東報譯稿

幹事。辦理會中一切事務。

第四條。 評議員。論決會中重大事務。

第五條。 每年十一月。設定期總會。討議時事。

幹事有視爲緊急之事者。乃設臨時總會。隨時集衆論議。

第七條。 會友中如有欲脫會者。須禀告幹事。

第六條。

第八條。 擬會友每人定額醵金二十錢。以充本會經費。多醵者聽。

幹事。 泉由次郎。 鹿島信成。 山本憲。 山田俊卿。 牧山震太郎。

●善隣協會主旨

清韓與我。鼎立東方。利害所關。有類唇齒輔車。三國協和。平時文獻相資。有事竭力

扶持。則雖有强國。孰敢侮之。若其不然。彼此猜疑。睊睊側目。而孤立乎。是所謂唇 制度典章。燦然可觀。其德不可諼也。輓近氣運一變。泰西諸國。文藝興旺。有過東 亡齒寒者。不尤可畏哉。我國自古忠厚成俗。及中世通好隋唐三韓。周孔名敦大修。

皇上登極之初。廣察宇內之情勢。取彼之長。補我之短。銳意革新。于兹三十有餘年。

土。我

方與泰西各國北肩駢轡。而清韓兩國。守舊不移。憂患漭臻。豈非以其食古不化。 受其禍矣。此憂國之士之所日夜寒心弗措也。於是奮然决起。于新報。于政論。于工 內卑外。而不察海外今日之情勢乎。不及今爲之計。或恐有虎狼乘其釁。而我國亦大

者。譯述新書。以啓廸兩國士庶者。是也。周孔大道。萬古一貫。而其政術與時變化。 商。務講彼我公益者。接踵相望。此等事。皆目下急務。不可廢一。而更有一事尤急焉 時務。則舊習積獎。自然澌滅。而富强文明之功。可期而待矣。其所以裨益東方諸國 而已矣。而其法。莫如譯述我國及泰西有用諸書。以傳播之也。彼既啓發新智。通曉 也。然則如之何而可。亦唯博採他邦實學。以長其才識。旁求近世新說。以啓其知見 不可易耳。然而兩國之人。徒拘末節。事虛文。而與時背馳。宜乎其不能奏革新之功

糾合同志。創立本會也。

明治三十一年十一月

者。果何如哉。吾儕窃有慨於此。因欲譯述新書。以輸諸清韓。以表善隣之實。是所以

附

と門後して一東報率編

襄此舉者。均列會友。不設畛域。置幹事五名。書記數名。以處辦會務。凡事從會友 本會專主學問教育。絕不與政論相涉。不擇官民。不問內外。尚有以學識若資斧發

者譯凡作

公議。以措辦之。

自西學盛行於我國。于今三十餘年。其間所譯述。往往不免乖錯無雜。本會著譯。 會友中專門碩學者宿。一稱恊修。而著譯校警。各從其所長。 泰西之書。大抵繁瑣周密。其言不免冗複。若逐句譯出。則不翅索然無味。恐使初 折衷碩學名士。鑒于從前得失。慎選擇。審取捨。期使清韓兩國不承其弊。

簡明切當。使一讀得其要領。 學有望洋之歎。故本會譯法。務從節約。直譯難通者。迎意解之。不必一一拘泥。要

一邦人譯西書。本無一定熟字。人人各異。紛無統類。學者苦無所適從。本會豫期以 安當文字。譯所謂學術語者。類集作爲字典。使兩國學者不迷多歧。

一本會經會友協商。以編著群書外。兼應清韓官民之需。從事諸般譯述。

日本 片岡鶴雄譯

帝典我同盟者一語證之耳。其所謂同盟者。攻守相助乎。抑或防禦同仇乎。歲月有 俄法二國同盟。其形迹頗爲可疑。盖自兩國同盟以來。至今毫無質際可徵。不過持俄

限。條約不明。使人不能得其確據。今觀其兩國之舉動。尤不能無疑也。

乎。且當知照各國商議入會之時。其兩國報社爭論此事。反爲互相永炭。此亦足以知 其同盟之確與否也。使其事果確。然歲月有限。應修和約以固交情。而府矮氣局之 如果攻守相助。則其情甚親。何以萬國平和會之議。先知照於他國。而後商議於法國 事。法國又何以過於慌躁也。豈以俄大臣必到法京。乃能鎮攝之耶。觀其情形如此。

俄外務大臣摩拉氏。於十五日到法京。十六日訪法之外務大臣笛利氏。交談二刻而

則俄法之同盟。不足恃也明矣。然則俄法同盟之案果何如。

領亦請摩氏於愛利席愛宮。大張筵宴。赴席者。爲法國各大臣與俄大使及公使隨員。 去。其翌日外務大臣張盛宴以請摩氏。 巴黎士市長丼前外務大臣。前駐俄大使等五十六人。其又翌二十日俄大臣摩氏告別 是日摩氏叉訪法之大統領府亞魯。越日大統

於法京。法之外務大臣遠送至車站。欸語數刻。慇懃握手而別云。此俄國外務大臣在 法京時受法之政府所厚待之情况也。

先是俄國半官報。頗輕視法國。論鋒忽變。又以府矮氣局之事慰藉法國。其意日。爲

法國者豈忘府亞魯所齎之俄法盟約乎。何爲杞憂之甚也。又諭法國非同盟者曰。爾來

俄法同盟。所以不利於法國者。非盟約之罪也。又非俄國之原意也。法國自設其用所 致耳云。於是法國之職外交官者。 視其約猶如掌上之銃。华怖华愛。 而徒瞻視 之而

俄國之力。今且見其時矣。 已。未聞有徒瞻視而手銃忽自響者也。然又安知法國之利用。不在於今日耶。法國假

機甚密。不能宣洩也。雖然兩大臣之密商。盖出於誠心誠意。非有所要挾也。方今法 法國府衣額。評論摩拉氏到法京之事曰。法俄兩國外務大臣。爲何要事而會商乎。事

局。吾諸大臣。早已洞悉危機。預爲補救。如臨大敵。若誤一著。則肝腦塗地。 國多事。內有獨腊司之事。有同盟罷工之事。外有府矮氣局之事。憂患交至。覩此時 信法俄盟約之事。洵合機宜。雖然。爲法大臣者。切勿荷圖目前之安。 請放眼於字內 吾人確

安也。惟府矮氣局之事。獨未知所决。然此等皆賴我外務大臣笛利伯之办也。笛利伯 大局。羅馬法皇之事已結局。美西之和約已奏功。四國對土之事已完結。夫亦可云少

京。而我兩國交情益親。盟約益固。由是觀之。我法國外交政策。未必拙劣無效也。故 今日笛利伯喜迎摩拉氏之來訪。猶背日我外務大臣矮那氏之喜迎摩拉氏之來訪也。 視職行事。其應如何憤勵。圖一舉以博天下之賞證也哉。俄外務大臣摩拉氏。一入法

矣。雖然。來往不數。則盟約之效亦薄。似此之盟。又焉可重視哉 叉再觀之。俄外務大臣一至法京。而法國民情。融然復舊。使兩約再訂。其交情可知

果出此學否。歐洲列國未之能信也。 法國新報論曰。英人若不從法國之所論。則法國借俄國之兵力。使其屈服而已。俄國

極東之新木愛紅主義

日本 片岡鶴雄譯

美英二國。操持世界共通之新帝國主義。包涵矮機羅煞利之平和公義。自主法制。以 考之文明與人道。可知美國所領比臘賓群島。其立約所附五歎。議日。 極東之新木愛羅主義者。美國元老院議員某氏。傳之於其太啞拉摩報館也。其說曰。 舉用此義。使



高義服

東報譯編

代古羅馬帝國主義也。其條議如左。

加盟諸邦。宜以石炭與火樂等。視爲戰時禁制之事。

創仲裁條議。誘導萬國以令加盟之事。而其初。英美及荷蘭三國。宜先協定之。

美國屬地悉開放。供萬國通商之事。

國。以抗歐洲列强。止其割奪土地之事。

美國與英國及日本。議定新木愛羅主義。當行之於清國。而宣言之。務力保清

四

Ħ. 美國英國及荷蘭議定宣言前此主義。當行於印度群島而維持之

夫自譽其人種之優。智力之長。盜竊文明之美號。而陰縱其虎欲**狼貪。**詭譎縱橫。以 謀我福建 譯 H 本 新 聞

處

爲勢力分界之說。各劃鴻溝。恣其噬噎。積人積世以迄今日。阿非大陸。竟盡葬諸西虎 百年間。泰西各國冒險者流。專肆暴力。蠶食非洲。於是懼羣犬爭骨。啓禍於貪。乃創 之腹中。則以爲勢力分界之說。復無所施。將歸澌滅矣。夫豈料支那積弱。列國利之。 心積慮。謀墟人國。奴隸他族者。豈非西歐民賊之用心乎。自第十八世紀以來。一

背筒车一

子江地方。於勢力分界內有所施爲。不一而足。如其內地河川之交通。長江三峽之 其相約日。其線路之在山東省內者屬法。其入江蘇省而至鎭江者屬英。其他英在楊 步目之也。容閎承辦之津鎭鐵路。英國亦奪之。與德協商。謀設公司而供其資本焉。

上溯。暨沿江諸省及浙江省之麓仓。歸其徵收云云。其樹立勢力。以預爲他日分據之

地。可謂盡矣。而今來遊之辟列士科託卿。猶以爲未足。謂楊子江畔之分界。未冤虚 浮。宜益確定之。其得隴復望蜀。眈眈之欲可謂熾矣。

北電報局之契約。猶未及期。以明治三十五年為期。未能任我設電線於亞洲大陸及附近 也。今夫台灣福建連絡之海底電線。政府亦欲買入之。而既發問於議院矣。雖然。 顧我邦政府。雖曾立福建不讓他國之約。而未見有所措置也。 如何。福 建與他省要衝。如何而可開通。皆未聞朝廷內閣。有所建議。是吾人所遺憾 如臺灣與大陸之連絡 大

福建不讓他國之約者。則美國之支那開發公司之約是也。 諸島之海底。是末如何之事也。我政府之於福建。方今宋聞有所布置。而將 有壞吾

該公司之股東。多是名臣舊家議員巨商爲之。其勢極厚。必能任此大工程者。而其貸

也。據其約云以九扣五分息。借金四百萬磅。即命技師勘查地段。得其復命。斯定興工 欵條約。則以本年西歷四月十四日。駐美欽差伍廷芳與鮮智迦託在華盛頓府立之者,

之議。若不爲辦。則願出罰金十萬元。聞十月中旬。紐約克急運委員會之技師巴孫士。

任測量隊長。由金山起程。今已從事于線路查勘矣。

出其右。然則此鐵道之速求其成也必矣。則以三年爲期也。 蜀黍高果之間。而其收效尚淺也。又津鎮一路。雖有漕米運輸之利。而以此比之。猶 吾人知此測量隊之復命。必以爲可也。何則。漢譽鐵路。所經湖南兩廣之地。在支那 全域中。最爲沃土。物產繁多。工商鼎盛。決不如彼蘆漢之路。蜿蜒北方之曠野。穿揷

辨協商之他處。夫自廣東連接香港。近如咫尺。固不待言。而此約文所謂沿海者。試 默式。築設自漢口至廣東之鐵路。若以爲有利時。則公司得延長此路于沿海。及與總 而吾人之所最憂者。其條約第三條之所云也。日美國之支那開發公司者。用最新之

とり生える以上一東報即題

尾。經江西而轉束。則惟有福建焉爾。且其所謂與總辦協商之他處。决非指廣東以南

繙支那圖而一覽之。即了然矣。是豈非以福建爲沿海平。何則。幹線以湖南廣東爲首

11.1

州而縱橫西江流域之線。彼亦已認爲樂籠中物。然則美公司。將壞吾福建不讓他國 之地可知也。蓋已屬于法之勢力分界內。北海南寗之路。已爲其既得之權。接續龍州梧 之約。益無疑矣。十月之頃。忽傳急電來。正言此事。而其後有內閣變動。議院開會。

地租增徵之事。邦人內訌不已。不遑外顧。雖然。此之問題。必不可忘。速當未雨而網 吾人於是有一策焉。我邦政府速致電于北京駐淸公使。使請求總署。得福建省建築 鉄路之權。以防美國之覬覦。美國之鮮智迦託。令勘查尙未卒事。幹線之設否。猶未

决定。况福建之支線哉。當其計之未熟。我先出此以制其機。吾意美必無異議也。即或 國之約。而不得拱護。漫然任他國之敷設鉄路。則勢力分界之謂何也。吾人雖不能視 彼出而抗。我則將福建省在吾勢力分界之內。提出而訟之。何難之有。如但立不讓他

福建省爲可與台灣分離。而没不置意也。

若政府而肯爲措置。則將以福州爲中点。而設三支線路。中線經江西而入九江。南線 經厦門 而到香港 廣州。北線經 寗波杭州上海而至鎮江是也。鎮江者津鎮鉄道之終

今日財力。未足興築鐵路于大陸。而既享有此權利。則自足以斥攘他國。而保吾勢力 之。亦可也。雖或有溢欵入于權貴紳商之私靈。而爲伸我國權。亦何必惜此少數。即我 夫我政府。

爲此請求。

列國必不介意。

若政府而佝憚爲之。

則於民間立一公司而任 願出中枝于九江也。 畔者。通商之要津。政治兵略上所必爭之地。不可使英國獨得而壟斷之。此吾人所以 曾不 得已而致二書于英。爲攻擊揚子江地方之約言。猶吾人之所記憶也。夫楊子江 江者。在長江之畔。位支那之中原。西亘漢口。接續沿江之諸府。英國以揚子江爲第二 屬東京鐵路。及英屬緬甸鉄路之集点也。南方欲此各地之流通。則此路最爲握要。九 此線路。則北與沂州濟南府天津北京。可遠相呼應。香港廣州者。將來漢學鐵路。法 之尼羅河。欲支那中部。及南部一帶之爲埃及。非一朝一夕之故矣。中日之役。我邦

分界之所應得者矣。

海外電音

朝 H

新 聞

西美和約。以十二月十日訂於巴里捺。

美國及倫敦通信員來報云。大統領埋子氏。謂於非臘賓群島中。保呂宋得有貯炭所。

其餘一切。以讓與他國爲得策云。

開普太烏來電云。英國捐欵助給海軍之案。及喜望峰地方植民之議。上下議院可并 (以上十二日倫敦發)

十五日韓京來電。韓民聯集於各衙門前。妨官人之出入。諸多牽制。警務廳勸諭之。 十三日華盛頓來電云。美西和約。於十二月十日公議。其主義在要挾西班牙捨古巴嶋 不恤。 之政權。割讓非臘賓群島。及撲老托利曲之事。美國允償美貨二千萬圓于西班牙。

同日倫敦來電云。自由黨情形日非。現鳥衣利氏。致書於其搖木氏。願辭該黨總理之 職。盖因黨內有爭利之徒。直閱紛錯。不受統率云。

同 十六日魯打電傳太 晤士報日。哈曲托氏。欲辭自由黨總理之職。其意甚堅。盖哈氏 法國政府。依代議院員之議。謂囊日所議東京鐵路之公債保證。注銷不行。 捕魯庫新任古巴總督。其職有統行政治。兼管文武之權。

同日 與帝國主義不合也。然黨中有力之人。慕該主義者日多。故其紛訌。或由於此。 法國代議院可決議印度及支那鐵路公債之案。

校刻瀏陽譚氏仁學序

教學者曰以求仁爲宗旨以大同爲條理以救中國爲下手以殺身破家爲究竟仁學者即 書盈一篋嗚呼烈士之可以千古尚有出乎烈之外者。余个不言來者曷述焉乃敍日仁學 則罕有知之者亦有自謂知之而其實未能知者余之識烈士雖僅三年然此三年之中學 嗚呼此支那爲國流血第一烈士亡友瀏陽譚君之遺著也烈士之烈人人知之烈士之學。 發揮此語 何爲而作也將以光大南海之宗旨會通世界聖哲之心法以教全世界之衆生也南海之 問言論行 一榻中往復上下窮天人之奧或徹數日夜廢寢食論不休每十日不相見則論事論學之 事無所不與共其於學也同服膺南海無所不言無所不契每共居則促膝對 則因 之書也而烈士者即實行此語之人也今夫衆生之大蔽莫 私利 而生計較因計較而生墨礙因墨礙而 生恐怖馴至一事不敢辦一言 甚平有我之見存有 坐

佛說曰無我相今夫世界乃至恆河沙數之星界如此其廣大我之一身如此其藐小自

而不加憐任同體衆生之痛癢而不知覺於是乎大不仁之事起焉故孔子絕四終以無我。

不敢發尤其極也乃至見孺子入井而不怵惕聞鄰楊呻吟而不動心視同胞國民之熙爛

3

其短世 焉其大小之界至不同 **割求仁而得仁又何怨也烈士發爲衆生流** 之燈爲衆 法也故無大小之可言也此 流 虎或斷 然則 犧牲以行吾 初有人類初有生物乃至前此無量却後此無量却如此其長我之一身數十寒暑如 焉或爲救 聖哲人無不現身於五濁惡世經歷千辛萬苦者此又佛所謂 不思救之是亦忍也故佛說我不入地獄誰入地獄孔子曰天下有道丘不典易也古 我之一 食或 界物質如此其複雜我之一身分合六十四原質中 生之眼則烈士亦可 心之所安盖大仁之極而大勇 身何可私之有何可愛之有既無可私既無可愛則分別含其 臥車轍 一種之人而流血焉或爲救 下 也然自仁者視 求死而孔佛不爾者則以吾固有不忍人之心既日不忍矣而潔其 烈士所以先衆 以無慊於全世界也夫亦可以無慊於全世界也夫烈士流 之。無 生焉。 人 不同也何也仁者平 一國之人 血之大願也久矣雖然或爲 丽 流 願 M 婆羅門及其他舊教往往有以身飼蛇 也况有仁學 而流 加馬 之各質組 等也無差別相 乃至或爲教 一書以公於天下爲 乘本願而 織而成如 一教全世 身以爲衆生之 出 他孔子所 也 界之人 此 無揀 ihi 其 、虚幻 流

血後九十

·日同

法

M

m

咨

腸 譚

嗣同遺著

仁學界說二十七界

以太也。電也。粗淺之具也。借其名以質心力。二 仁以通爲第一義。以太也。電也。心力也。皆指出所以通之具。一

通之義。以道通爲一爲最渾括。三

經。以無人相無我相故也。四 外通。多取其義於易。以陽下陰吉陰下陽音奏否之類故也。人我通。多取其義於佛 通有四義。中外通。多取其義於春秋。以太平世遠近大小若一故也。上下通。男女內

不識仁故爲名亂。亂於名故不通。六

仁亦名也。然不可以名名也。思名名者故思名。知思名幾無仁學。五

通之象爲平等。七

通則必拿靈魂。平等則體魄可爲靈魂。入 出了在龙门文 一满锅即氏仁奉一

靈魂智慧之屬也。體魄業識之屬也。九

智慧生於仁。十

仁爲天地萬物之源。故唯心。故唯識。十一

仁者寂然不動。感而遂通天下之故。十二

不生不滅仁之體。十三

生近於新。滅近於逝。新奧逝平等。故過去奧未來平等。十五 不生與不滅平等。則生與滅平等。生滅與不生不滅亦平等。十四

有過去。有未來。無現在。過去未來皆現在。十六

仁一而已。凡對待之詞皆當破之。十七

破對待當參伍錯綜其對待。十八

参伍錯綜其對待。然後平等。二十 参伍錯綜其對待。故迷而不知平等。十九

無對待然後平等。二十一

無無然後平等。二十二

参伍錯綜其對待。代數如權衡然。參伍錯綜之不已。必平等。則無無。二十三 平等生萬化。代數之方程式是也。其爲物不貳。故生物不測。不貳則無對待。 演之。命生爲甲。命滅爲乙。不字爲乘數。列式如左。 試依第十四條不生與不滅平等則生與滅平等生滅與不生滅亦平等之理。 4 不×甲 不×乙不 不 不不 不×(甲乙) 不×(甲乙) 不x(乙甲) 甲乙 用代數 不測則

K×乙 <u>乙</u> 甲	K× <u>ZIZ</u> 不×甲	K× <u>乙</u> ズ×甲 K×甲甲不×乙
田		乙———不×甲甲
T- TINGICANA	乙———不×甲甲不×乙	,

之門徑在是矣。二十七 下期藏印

虐民。以炮烙湯鑊。殺人百萬。其貪婪酷烈之事。稽之載籍。爲千古所無。以鐵鎖御 於是僧侶自作威福。救民之法。變而爲苦民之具也。僧侶互事殺伐。敗法亂紀。汚國 民。以鞭笞待衆。訴民情者。名爲誣上譏君。說自由者。目爲不忠不義。大加刑戮。是以 法王以勦滅新教。四出剽掠。所至殘暴。孩兒婦女。悉遭屠戮。行政之權。委諸僧侶。 上下驕傲。風俗頹壞。先王篤信舊教。目新教爲邪教。以爲逆天惑民。發百萬之兵。助 陸。自歸我版圖後。國旗翻於四海。威名轟於歐洲。富强冠於天下。然滿招損。盈生虧。 立都之名族也。昔時吾人剛敢不撓。踰萬里之鯨波。當千百之艱難。發見米國之大 士固問其故。妃沈默不荅。如深有顧慮者。紅蓮進謂妃曰。妾固知日本男兒之心肝。 悲憤。心竊怪之。何爲其然也。妃荅曰。避世之士。逃難之人。若述往事。徒增傷感。散 便談阿姊之來歷。可保無他。妃於是慨然而告曰。妾名幽蘭。世居西班牙京城。麻戶 日。昨相見於費府之獨立閣。非令姊也耶。妃曰然。散士曰。曩見二妃之感慨。不禁 遠。恨世幽隱。非薄倖人也。或者皇天無情。所遇非人。故甘守貞。遯跡斯境耳。散士 我與。事與願違。故守節幽谷。甘兹沈淪。不足爲外人道也。散士窃疑此美。以伉儷願,

とりだえ口又 一住人奇遇卷一

米。值億萬之金銀。徒充呈笑獻媚後宮之費。或供貪婪無厭僧侶貴族之奢侈。金銀濫 冤民無所訴情。

志士無所展力。

國勢陵運。

純綱弛廢。

內憂外患。

併臻其害。

海外之藩 屏多叛。國內之朋黨相軋。四分五裂。無所統括。一切財政。大失其宜。年年所貢南 賢主。革其弊政。薄其賦斂。務使人民安於莊席。含餔鼓腹。以賀太平。此事久待時 女皇伊佐米剌追皇兄頓加羅以窃位。龍臣僧侶專權。賄賂公行。賦斂無常。外受隣國 出。國力疲弊。森林荒廢。地瘦民貧。人各救其生。無暇顧廉耻。盜賊橫行。國無寧歲。 機。於一千八百六十八年秋九月。我女王佛帝拿破倫三世將爲會盟。乃從車騎以行。 勢之逡遲。哀人民之窮困。欲挽回此頹勢。因密謀諸忠義之士。計畵廢其暴君。立其 之悔。內失人民之望。惟上下宴安。歌舞遊獵。馳驅醉飽。政綱日壞。妾父兄日夜歎國 於佛京。倚於拿破倫。倫掀髯而言曰。奇貨可居。時哉不可失。於是擁廢皇之王子。屯 於賢主。市民聞之。雀躍羣至。攀其鳳輦以促之。僅三日而全國皆叛。女皇典近臣。遁 未及幾里。從騎喧騷。皆呼日。我皇無道。德不及民。不能安其民生。宜速退位。以讓 兵於境上。移檄我民曰。飲邑據義。提不腆之兵。赴爾友邦之難。今爾正統之皇子在

也。若夫改圖投誠。必許以自新之路。當是時也。奉戴我皇兄頓加羅者。以其檄傳之 並。爾何不早二亂民之脅迫。以歸明主。皇子至德。誠能戡定亂虐。保全衆生之眞主

生。有別說自立自由之利。唱道民政共和者。其抱才鬱屈。及苦於貧困而思亂者。皆 萬勿躊躇逡巡。失此風雲之會。致爲後日之悔云。於是國民應之者甚多。時學士書 除弊政。去私怨。立憲法。建公議。奉祖宗之大法。其有以國家爲念者。宜速來勸助。 遠近日。婦女之登天位。握國政者。我宗祖大法之所禁也。曩者僧侶貴族。營其私利。 之。使民離衆散。今也女皇逃國。宗廟無主。吾人乃立皇兄頓加羅即王位。以從民心。 而立彼婦女以爲社稷之主。專其國政。恣橫無忌。其聰明雄才之皇兄頓加羅。則斥逐

豪邁果斷。因起以告衆日。案我國今日之勢。人心相離。黨派大興。二黨合而四派分。 論。遂無可定。人心又不能歸一。乃相共會於議院。議前途之國是。時國相風雷夢者。 共和黨又分而爲一。一主急進。一主漸進。黨不相容。衆論喧嗷。邦內擾擾。國中與 一派減而一派起。上下紛擾。何所底止。是豈激於一時之變使然耶。盖宿怨相積。私 相和而煽動人心。勢如滿岸之漲。一時潰堤。不可收拾。欲壅塞之而反動激烈也。其

Ĺ

三月からとりて

4佳人奇遇卷一

が高年

英主。以從民望。其營私利。抱私心之所爲者。非我黨也。又非我國民也。若夫犯此弊 士麥克氏之策。畏普王之威而寶國者也。於是痛貴排擠。議論如湧。當此時。妾老父 贊成之者。有不以爲然而排擠之者。民政黨諸人大抗之日。宰相之謀。是陷於普相卑 於苞桑。
莫國家於磐石。則必迎立而奉戴之也。
籌計已熟。在會之人。有樂從其議而 普國者。歐洲之强邦。而皇子理烏佛氏其最賢也。品超貴胄。行冠宗潢。故欲繁宗社 徐起而謂諸士曰。廢女皇之事。我實主之。是時我與將士共誓曰。廢暴君而立正統之 仇相結。不幸以見於今日。故爲今之計。宜即立英主。以斜合人心。而離散朋黨。今夫

上。欲立廢皇之皇子。雖然。凡我人民。惡女皇之無道。恨入骨髓。故立廢皇之皇子。 若如相公之言。迎立普之皇子。天下將目我陷於普相術中。必謂我國無人矣。加以普 以維繫人心。况佛帝之心事。亦有不可明言者。頃南方諸州。共推皇兄頓加羅即王 王之雄豪。其相又富於權術。豈可默然而止乎。今也佛帝托言於我爲姻戚。屯兵於境 位。贊助立君公議之政。抑皇兄者。正統之皇子。而立君公議者。天下之善政也。不若

者。吾輩當戮力以除之。雖殺身所不顧也。豈可迎歐洲强國之皇子。而委以國政耶。

意中。與宰相所議。合者過半。其策遂决。於是遺使於普國。以表推戴之意。乞皇子即 諸士共盡力於此也。於是滿堪議論。爲之愈激。有各相摶擊之勢。不知所定。然各人

是政權日傾。王益憤撼。告於衆日。人生誰不希富貴。慕功名耶。初爾衆庶。不以家人 結之。而共和黨激烈之論。放談橫議以建民政。是非混亂。比朝廷紛擾。干戈更亂。自 風雷夢死後。各黨主領。各抱自立之志。互不相下。其智略亦互相匹敵。無後傑以統 刺客所斃。黨派之爭日甚。皇子受國步之艱難。被朋黨之分裂。即欲以定民心。然自 不敏。舉國政以委於家人。家人没不自計。不以不敏。而肩此重任。庶爲可無大過。於 盟。佛帝降尉。乃流寓他郷。至是我民迎伊國皇子而立之。先是大宰相風雷夢氏。爲 養銳蓄精。以待一飛冲天之機。佛則君臣乖離。將驕卒怠。是以一敗塗地。遂爲城下 術。欲雄飛於歐洲。因普之羽毛未豐。乘勢挫之。使其不能復振。不料普國光不外爍。 許之。而佛帝猶多不厭。傲慢不敬。犯普帝。促戰事。盖佛之君臣。平日諦求富强之 位。皇子諮之。既而佛之君臣。聞有此學。爲之大憤。直飛書乞皇子以却其詩。皇子又

是辭父母。納群臣之諫。誓以死生榮辱。與國共之。賴爾群臣之助。倚爾人民之力。垂

を言幸一

不顧。終日嗷嗷。紛爭於政路。以至國勢日傾。寡人憂之。用是不厭語誠。冀以自新。 者。其惟北米合衆國而已。此諸君所目擊也。抑北米之人民。本生長於自主自由之 故郷。是入情之所榮也。而今不敏。抱憾去位。憂心悄悄。其何顏以見故郷父老耶。 而爾有衆項固依然。不悛其行。今也寡人智窮術乏。經國無方。亦奈之何哉。而尸位 功業於千載。願爾臣民共受其慶。無如爾衆庶浮薄輕動。以私害公。朋比爲奸。是非 冠於宇內也。而我民則不然。泥虛理。不務實業。輕佻銳進。忽於挫折。此其所以衰頹 俗。沐浴於明教禮義之邦。拾私心。執公議。不泥虛理而務實業。是所以能建民政。而 然以時局觀之。决非國家之福也。盖以共和而建民政。文物粲然。富强駸駸而可證 亂。無可如何。妾老父憂之。集衆而言曰。聞我士民。厭王政而希民政。其風氣雖佳。 言。灑淚無巳。於是皇子退位而歸伊國。自是宗廟無主。民政黨乘機煽動。而國政紊 爾衆庶。解其舊怨。挽回國勢之陵夷。力圖富强。進乎文明之境。固所望也。臨別贈 其哀情亦不言而喻矣。雖然。與爾臣民。曾有君臣之義。今其去此。猶有故山之思。願 妨賢。大遠民志。是寡人旦夕所不能安也。兹辭王位。將歸故郷。古人云。衣錦而歸

將士推衣分食。枕戈共苦。七年於姑。其間米人獨立自治之誠心。確乎不可動。久擬 取其風氣以教我民。雖然。我民之氣象風教。奈何不適於自治之用。故宜迎賢主。以 覺髮竪淚下。直揮袂而起。遂誓以孤劍而故兆民。泛孤舟於大洋。陷孤軍於重圍。與 爲民政之首領。將軍固辭而論衆日。余十八歲時。見米國獨立之檄文。拜而讀之。不 乎。又政權歸於姦雄掌中。開軍人爲政之禍端。干戈紛擾。其終能保久安乎。億一千 爲之。而政黨相閱。國政迭亂。內外混淆。官民失職。陷於朝令暮改之獎政。其能自立 風教人情。無不相同。亦足借以自鑒矣。不知我典章文物。由國民之志操。遠不及米 八百三十年。佛國革命之亂。人民厭其王政。其時將軍羅抦斗氏。被以紫袍。將欲立 人。而欲驅此輕佻不學之輩。馳騁於民政之界。余祗知其害。不知其利也。設暫奮而 者。又安能尋進路於文明。求生路於自由之郷耶。墨西哥人者。我西班牙之後裔。而 來五十三年。一帝一攝政。已更統領五十三人。其政府朝迭暮更。其人民托生斯土 也。墨西哥國者。與米國接境。同時所建共和民政之國也。然朋黨相忌。首領相仇。爾



と写完及「以一一住人奇遇卷一

倡立君公議之明政。是我佛國之妙策也。抑亦國民之幸福也。將軍之言。可爲殷鑑。

影。百犬吠聲。爲清議所不容。詣爲唾斥。使人幾欲食其肉而寢其皮。遂下命誣父兄 爲叛逆大罪。將捕以殺之。我父兄聞風逃難。而誠忠之士亦多去國。自是黨人得勢。 老父爲自由之公敵。而民權之僞黨也。於是固爲誣捏。務使惡聲遠揚。以至一犬吠 意氣恐切。聲淚俱下。嗚呼。忠言逆耳。高論難行。此古今之常患也。黨人等。却疾視 庶。如醉如狂。會於寺院。集於道路。招群集衆。大唱共和萬歲之歌。既已棲息於自主 益無忌憚。迷於民政之空理。夢入自由之卿。遂以民政布告於天下。其時京城之衆 夢。作寡人爲政之苦境。各黨軋轢。互弄干戈。以至枉殺無辜。至是老父之言盡驗。人 也。當其黨領所立之憲法。施行政令。而政黨相軋。首領相忌。其議士徒爭口舌之戰。 拾本求末。無益於實用。其人民徒嗷嗷於賦飲之輕。以致政令不行。僅及歲餘。 皆服其先見。而父兄在他鄕。不忍傍觀故國之難。乃斜合義族。推皇兄頓加羅爲盟 領內閣。五易其主。使民迷其途。商厭其令。士惡其行。兵侮其律。變自由樂境之迷 自由之樂土。無爲之空想。所在爭殺僧侶。追捕貴族。所謂以暴易暴。不自知其非者 而統

主。以除弊政。去私怨。結合分裂之政黨。退貨黨之首領。建立憲公議之政。以治內亂

魚 擀。 石。 頭。 帶。 孤。 梵聽太平 嶼。 冥冥 洋。澗。 雲。 7ko 遠天近。 漁船 茫茫 夜 夜 驚波卻 雙。 不。药。

平。杖。 莽

乾坤。

熱

海

湧。

衝。 地上。

煙。生

草。 亭。更

魍 越 洲 弔 瀰 平

でなる。 嗣 同

雄。不。有。劒。雲。 人分靈的一生。 人。斷。 冥。 安0 天壓水。黃 祖。小。 汝。 可喜。

均甫。波底喁喁雙鬼語。歲歲江藏哭江。生亦我所欲。死亦貴其所。 側聞漢水之 雨。蛾眉。 何。 不。 ·蛾眉謠談不如汝。謠談深時骨巳銷。欲果魚腹。 栩栩。蜮者誰。彼魏武。虎者誰。汝黃祖。與其死 。秀鄉、並,數城有人怒目視。如此頭顱不敢取 死亦貴其所。側聞漢水之南。兒挺劒起。大笑語黃祖。如 活。江。湘。 水° 差。 渚0 之。可。 去。 滸。 鄴。 城。 柱。

取°迢°

0

沙。

黄祖。

真[°]有°

於。英。血。若。伏。

孰。

若。

死。

旌。

鼓。

虎。魚腹孤區

臣。譬。意

秋。

氣°

Lo

鄴城刀。 有骨。

一。數 + 首 不 能 休 譚 而 碎 嗣 魚。 其 叶。

口

與馬

矢

夕商州寄仲兄。 風橋抗手別家園 家

はり忘むし以一

車

塵

同

朽矣。今見饒君作。不覺蓬蓬在腹。憶除

舊

作

除

和

仙

焼除

夕感懷四

篇 井 叙

夕詩甚夥。往往

風

雪羈旅

中

拉

雜 命筆

有賢兄感鶴原。兄曰嗟予弟行役。不知今夜宿何 邨。 風景不 殊。 幽 明頓 隔 。以邑陳言。

所 感深焉。亦不自知粗放爾許。

斷 尖 古 今 惟 成難堅寒灰自⁶ (職) 分終銷。 酒 又迎 歇。 年。 賴 誰 知 詩。羲。 待 鳳鳴心不

内 安 我 澤 輩 排 因 顧 險。阻。 龍。 蟲 何。 曾足 吟 起。 著孤。 腹。 肝° 碌 身。 碌。 膽 高 乾 論 坤 歌 交 晚乃得髯翁 劍。 商 氣° 頌 雙龍。 彼 何 期大 10 唤起 + 不 觀 华 有 醉。 器。 となっ 潛。夢。兵。仲。共。天。廟。寅。 誠。

遍琴尊辭舊歲

死。

婪尾陰陽 。 談 年 兵。 華 110 逐海。 事。 腾此° 兩° 潮。 迷0 時有約 離。 東。 敢道 飛 光 自。 間。 中。 原。撫。鹿。將。 雞0 同。 起舞鐙 死°三° 誰°十° 自 山 前 簡 向 轉。 冰。生。 恨漏。 天°來° 鍊°憂° 鍊。憂。才。共。天。鬭。 奇。患。終。好。難。火。 骨。中。隱。春。醒。田。 聲。 骨質教佳句屬通眉無端歌哭因長夜中。即較文詞勢已雄逃酒人隨霜陣北中 即較文詞勢已雄為

本館售 日報價目 、週年三拾三 一冊報費洋四圓五 一角閏月加三冊洋四角閱每月者報費洋

四角零售每本洋一角五分郵費照例遞加

諸君如有願爲本報代派處乞函致本館自當隨時付呈

一代派處概提二成作經理之費

本館承刊告白價目 凡函來購報及商量報事惠賜文稿附印等事信力均請自給 圖 另議 封 面 告白加倍 兩行起碼 以上曾 先付資後刑報不再减折 期三圓以後每期加二 圓四行六圓其餘

類推

刊

本館各地代派處

神戶英七番楊海縣先生

長

崎十番恆豐實號

北京東交民苍筑紫洋行

蘇州大東新利洋行海津駒治先生北京東交民港筑紫洋行

上海亞東時報河本磯平先生大坂市東區谷町一丁目梅淸處墊山本先生

天津國開報西村博先生

州閩報前島眞先生

脳

杭州大東新利洋行宮坂九郎先生



廣東省城雙門底聖教書樓

星加坡衣箱街天南新報館

檀香山生昌雷官進先生

澳門大井頭知新報館

香港中環海傍三益隆煤店九十四號門牌

香港中環聚文閣

安慶東門內道署前雙井聖公會楊先生

雪梨金山東華新報

香港文武廟直街文裕堂 香兆威靈頓街聚珍書樓

FI 發行棄編輯人 FI 刷 刷 所 所

> 英國人 横濱居留地五十三番館

横濱市伊勢町三丁目六十五番地 如

馮

横沒居留地百三十九番館 横濱居留地百三十九番館 木鶴 太 郎 舘

鈴

箱

清